



বিদ্যুৎমন্ত্রক

মন্ত্রকগুলোর মধ্যে সমন্বিত প্রচেষ্টায় কয়লার ঘাটতির সাময়িক সংকট এবং পাওয়ার এক্সচেঞ্জে অনিয়মিত উচ্চমূল্যের সমাধান এক্সচেঞ্জের জন্য বিদ্যুতেরমূল্য বৃদ্ধি পেয়ে প্রতি ইউনিট ১০.৮০ টাকা হয়ে গেছে

Posted On: 25 OCT 2017 11:28AM by PIB Kolkata

সংবাদ মাধ্যমে ১৬ অক্টোবর ২০১৭ প্রকাশিত হয়েছে যে, পাওয়ার এক্সচেঞ্জের জন্য বিদ্যুতেরমূল্য বৃদ্ধি পেয়ে প্রতি ইউনিট ১০.৮০ টাকা হয়ে গেছে। আই.ই.এক্স.-এ ১৭ অক্টোবর, ২০১৭ বিদ্যুতের মূল্য গড়ে প্রতি ইউনিট ৫.৪৫ টাকা ছিল এবং সর্বোচ্চ মূল্য সন্ধ্যা সাড়ে ছয়টা থেকে সাতটা পর্যন্ত মাত্র আধা ঘণ্টার জন্য প্রতি ইউনিট ১০.৮০ টাকা হয়েছিল। এই মূল্য ১৮ অক্টোবর, ২০১৭ কমে গিয়ে গড়ে ৪.৩৩ টাকা প্রতি ইউনিট হয়।

এটা উল্লেখ করা প্রয়োজন যে, বাজারে প্রতিদিন প্রায় ১৫০ মি লি যন ইউনিট (এম.ইউ.) বিদ্যুতের ব্যবসা হয় এবং প্রতিদিন প্রায় ৩৭৫০ এম.ইউ. বিদ্যুত উৎপাদন হয় (যা প্রায় ৪%)। বিদ্যুত বিতরণ কোম্পানিগুলো অর্থাৎ ‘ডিসকমস’ দীর্ঘ মেয়াদী/মধ্য মেয়াদী চুক্তির মাধ্যমে তাদের চাহিদা পূরণ করে থাকে এবং এক্সচেঞ্জ মূল্যের বর্তমান বৃদ্ধি সামান্য।

বিদ্যুতের সর্বমোট উৎপাদন ক্ষমতা প্রায় ৩৩০ গিগাওয়াট (জি.ডব্লিউ.), যার মধ্যে কয়লা নির্ভরবিদ্যুত কেন্দ্রে উৎপাদন হচ্ছে ১৯৩ জি.ডব্লিউ., যা বর্তমান বছরে সর্বোচ্চ শীর্ষচাহিদা ১৬৩ জি.ডব্লিউ. পূরণ করার জন্য যথেষ্ট। বর্তমান বছরে ১৭ অক্টোবর বিদ্যুতের সর্বোচ্চ শীর্ষ চাহিদা হয়েছিল ১৬০ জি.ডব্লিউ., যা গত বছর এই সময়ের চেয়ে প্রায় ১০জি.ডব্লিউ. বেশি। বিদ্যুত উৎপাদনের সামগ্রিক বৃদ্ধি হয়েছে প্রায় ৬% এবং কয়লা নির্ভর স্টেশন থেকে এ বছর আগস্ট মাসে গত বছরের একই সময়ের তুলনায় বিদ্যুত উৎপাদনবৃদ্ধি হয়েছে ১৭%। কয়লা নির্ভর বিদ্যুত উৎপাদন কেন্দ্রে এ বছর সেপ্টেম্বর ও অক্টোবর মাসে একটা ধারাবাহিক বৃদ্ধি পরিলক্ষিত হয়েছে।

বিদ্যুত কেন্দ্রগুলোতে কয়লা সরবরাহের সমস্যাকে সংশ্লিষ্ট তিনটি মন্ত্রক অর্থাৎ বিদ্যুতমন্ত্রক, কয়লা মন্ত্রক ও রেলওয়ে মন্ত্রক সমন্বিতভাবে সমাধান করে চলেছে। এনিয় একটি বিস্তারিত পরিকল্পনায় ঐকমত্য হওয়া গেছে, যা ১৮ অক্টোবর থেকে কার্যকর হচ্ছে এবং এই পরিকল্পনা বিদ্যুত কেন্দ্রগুলোতে পর্যাপ্ত কয়লা সরবরাহ সুনিশ্চিত করবে।

বিদ্যুতমন্ত্রকের স্বাধীন দায়িত্বপ্রাপ্ত প্রতিমন্ত্রী শ্রী আর.কে সিং এবং রেল ও কয়লামন্ত্রী শ্রী পীমুশ গোয়েল বুধবার ১৮ অক্টোবর যৌথভাবে পরিস্থিতি পর্যালোচনা করেছেন এবং যেসব রাজ্যগুলো কয়লার সরবরাহ বৃদ্ধি করার অনুরোধ করেছিল, তাদের সঙ্গে কথাও বলেছেন। তাঁরা উল্লেখ করেছেন যে, মহারাষ্ট্রের মত রাজ্যগুলোতে সরবরাহের উন্নতি হয়েছে এবং যেসব বিদ্যুত উৎপাদন কেন্দ্রে কয়লার মজুত কম রয়েছে, সেখানে কয়লার মজুত বৃদ্ধি করার জন্য প্রচেষ্টা গ্রহণ করা হবে। ধানবাদ—চন্দ্রপুর রেললাইন বন্ধ থাকার কারণে যেসবডি.ভি.সি. বিদ্যুত কেন্দ্র প্রভাবিত হয়েছে, সেগুলোর সমস্যারও দ্রুত সমাধানে ঐকমত্য হওয়া গেছে। দৈনিক, সাপ্তাহিক ও মাসিক ভিত্তিতে উন্নত সমন্বিত পরিকল্পনা এবং সংশ্লিষ্ট সবাইর পক্ষ থেকে এই পরিকল্পনা রূপায়ণের জন্য কয়লা নির্ভর বিদ্যুতেরনজিরবিহীন চাহিদা বৃদ্ধি পেয়েছে। তা সত্ত্বেও গ্রিডে বিদ্যুতের চাহিদা পূরণ করা হচ্ছে এবং ভবিষ্যতেও পর্যাপ্ত বিদ্যুতের লভ্যতা সুনিশ্চিত করার জন্য সমস্ত প্রচেষ্টা গ্রহণ করা হবে।

(Release ID: 1506928) Visitor Counter : 3

Background release reference

এক্সচেঞ্জের জন্য বিদ্যুতেরমূল্য বৃদ্ধি পেয়ে প্রতি ইউনিট ১০.৮০ টাকা হয়ে গেছে

